

書名 群書考索別集二
十五卷 正德十
三年建陽劉氏慎
獨書齋刊本
撰者 宋 章如愚 撰
卷 卷二十四
內容分類 子-類書-彙考-宋
索書號 子部-類書-17
編號 C5930500

卷二十四

[彩色首頁1](#)

[東洋文化研究所漢籍目錄](#) 編號: C5930500

[東洋文化研究所漢籍目錄所藏漢籍善本全文影像資料庫](#) 索書號: 子部-類書-17

[漢籍善本全文影像資料庫文本](#) [群書考索別集二十五卷](#) 正德十三年建陽劉氏慎獨書齋

[刊本](#)

版權所有: [東京大學](#) [東洋文化研究所](#)

[使用上的注意事項](#)

群書考索目錄

山堂先生章俊卿編輯
建陽知縣區玉刊行

別集

諸圖類

太極圖

伏羲畫卦圓圖

文王八卦圖

後天序對圖

太極圖

伏羲畫卦橫圖

伏羲八卦圖

先天方圓圖

河圖

皇極經世書

書考索卷二十三

別集

群書考索卷二十四

別集

山堂先生章俊卿編輯

建陽知縣區玉刊行

○海防門

海

江淮手足也海口咽喉也京畿腹心也錢塘面瞰浙江去淮有千里之遙涉海無半日之頃江淮同要津守禦既備倉卒有警未足為腹心之憂巨海梯航快風順水自海而入京畿不信宿而自擣吾腹心之所江淮之師雖列百萬各堅守禦豈能應緩急之援今日防海之兵如許浦如定川雖有之然許浦之屯深入於長江之口僅可為長江之蔽定川之屯僻處於四明之海濱僅足為四明之備其於京畿海門勢甚遼遠吾不相關萬一不虞則許浦至海門不超五百里定州里定川抵浙江

往來亦三兩日何以相援耶今日之要害在浙則金山海門明州定海秀州海鹽是也在淮則通州料角泰州石港建康土山江乘是也

海門

秀州金山為江浙海門之要衝逆亮所謂夜半過海門山未明抵我京畿者指此

定海

虜舟由海北岸來則至明州定海

海鹽

虜舟由海南岸來則至秀州海鹽

土山江乘

建康上元縣東南三十里有土山西北十七里有江乘蔡謨備石季龍

料角石港

沈與求謂水勢急海舟至此必得以上水手方能轉入者指此

石季龍

晉石季龍於青州造船數百掠沿海諸縣朝廷以為憂蔡謨遣徐元等守中州并設募取季龍舟船是時謨統七千人所戍東止土山江乘鎮守八所城壘凡十一處烽火樓望十餘處蓋季龍謀出海道口趨建康如土山江乘此其要津也

顧浩言避寇不如禦寇

宋朝建炎四年虜退呂頤浩言朝廷集海舟于四明必為避寇之備夫避寇固當預辨然禦寇之計尤不可緩

防海委沿江大尉

言者論防海利害莫若委之沿海大尉及民社兵大抵海舟不能齊一未集而擊之必可成功詔從之

沈與求備海

紹興二年逆豫於京東造舟沈與求言海道當防言者多欲於明州向頭設備使賊舟得至向頭則已入吾腹心之地矣如通州料角泰州石

港水勢湍險海舟至此必得沙上水手方能轉入倘於此為備盡拘水手則虜亦焉能衝突望廟謨早定詔付順浩

仇愈為沿海制置

先是創沿海制置使以集撰仇愈為之建司於浙西呂順浩言近創此司最為得策然虜舟從海來有二道一自海北岸來至明之定海一自南岸來至秀之海鹽萬一有警遠不能及乞令愈專管浙西別命人管浙東從之

張浚條海道利害

十年福建安撫張浚條海道利害大治海舟至千艘為直指山東之計以俟朝命

汪秘論備海道

三十一年澈言嚴備海道以遏其牽制

李寶駐江陰

命浙西總管李寶駐江陰以防海道

李寶海州之捷

七月逆亮遣蘇保衡統水軍由海道將趨二浙鄭家奴副之寶遣子公佐同將官邊士寧潛入虜境伺動靜士寧回言公佐挾歸正言魏勝得海州矣寶大喜趣其下乘機進發寶舟師至東海縣時虜圍海州寶麾兵登岸虜驚引去時山東豪傑王世脩等爭應為援寶與子公佐引舟師至家之膠西石臼島而虜舟已出海口泊唐島相距止一山候風即南不知王師猝至寶禱于石臼祈風助順丙寅風雨南來眾喜爭奮引帆俄頃過山薄虜虜驚失措虜帆皆以錦纈為之彌亘數里忽為波濤捲聚一隅窮促猺兀無復行次寶以火箭射之火焰隨發延燒數百人不及者猶欲前拒寶命健士登其舟以短兵擊刺殪之降者三千人獲元顏鄭家奴六人斬之惟保衡未發舟旋自經死得獻議造舟人倪詢商簡梁三兒皆淮浙奸民為虜壘置有寶欲乘進聞亮已濟淮旋駐東海視緩急為援

御書賜寶

寶璽奏至上賜詔獎諭書思勇李寶四字表其雄職

葉義問論土豪軍

義問為報謝使回言今江淮既有師屯獨海道宜備臣謂土豪官軍不可雜處蓋土豪諳練海道之險夷海之食利能役使船戶若雜以官軍彼此氣不相下難以協濟欲於沿海要處分寨以土豪為寨主令隨其便使土豪繞於舟楫之間官軍阨於塘岸之口此策之上也

襄

襄

江淮所恃以為藩籬者江陵也江陵所恃以為唇齒者襄陽也秦兼天下自漢以北為南陽即今鄧州自漢以南為南郡即今江陵襄陽乃南陽南郡二郡之地故南接江陵北接鄧州西則接巴蜀實為衝要南北必爭之地

江陵

襄至江陵水程五百里郡志云勢同唇齒無襄陽則江陵受敵故江陵

以襄為西單

鄧州

襄陽北有樊城即古樊邑自樊城北有光化即古鄧城屬南陽縣即今光化軍去鄧一百二十里與虜境相接

巴蜀

襄陽西由房州達金州以入蜀即古魏興郡符堅攻蜀由此入晉書紀於西城縣南築壘拒之桑仲據襄欲西上吞蜀遣李橫攻金州敗退保房州

漢江

漢水出蟠冢山蟠冢在隴西縣西其西漢水所出正屬今利州三泉縣金牛鎮

劉琮降操

後漢建安十三年劉琮屯襄陽會操南征琮遂舉州降

魯肅欲說劉備

先是肅聞表卒言於孫權曰荆楚與國鄰接外帶江漢內阻山陵有金城之固請往說備使撫表衆共治曹操權遣行至南郡而琮已降

據襄取北方

十四年周瑜說權曰據襄陽以賊操北方可圖也

關羽攻樊

二十四年羽攻曹仁於樊仁便于禁龐德屯樊北大霖雨漢水溢禁等七軍皆沒禁窮迫遂降操子從都避之司馬志請遣人勸權奸其後則大圍自解操從之

呂蒙請據襄

蒙密言於權曰蒙為國家前據襄陽何憂於操

陸遜向襄陽

魏青龍二年吳陸遜諸葛瑾入江夏沔口向襄陽

襄陽必爭

六月滿寵欲取襄陽帝不聽曰先帝南守襄陽地有所必爭也

晉書

泰始五年帝欲并吳以羊祜鎮襄陽祜綏民遠近甚得江漢之心

陶侃遣將按襄

咸和七年秋趙郭敬南掠陶侃遣南中郎將桓宣乘虛攻樊城悉俘其衆竟陵太守李陽攻新野拔之敬遁去宣陽遂拔襄陽侃使宣鎮襄陽宣招懷遠附簡刑罰勸農桑在襄十餘年趙人不能勝時人以為亞於祖逖周訪

庾翼論據上流

建元元年庾翼曰襄陽荆楚之舊西接益梁與關隴咫尺去河洛千里土沃甲良方城峻險水道流通進可掃蕩秦趙退可保據上流

北魏向襄陽

齊建武四年薛真度勸魏主先取樊鄧九月真渡引兵寇南陽太守房伯玉擊敗之魏主怒以南陽小郡忘必滅之遂引兵向襄陽

李綱請幸南陽

宋朝建炎元年李綱請幸南陽劉珪言陳唐諸郡新剗於亂南陽城惡亦不可恃二年虜陷鄧州

程千秋失襄

三年冬先是京西制置程千秋在襄陽而所降襄仲有衆數千屯漢水之北城中統兵官有徐大方曹火星者仲遣人以馬遺徐徐以良甲二報之千秋怒其與賊通誅之一軍皆憤奔以告仲仲曰我以兄故不入襄陽今千秋殺吾兄遂攻城千秋遣曹出戰一晝夜殺傷相當蔡明仲盡驅良人各持竹一竿第見城外事仲敵野仲軍繼之曹敗仲入據襄陽千秋遁去

趙鼎論襄

四年鼎言襄陽左顧川陝右視湖湘而下瞰京洛真帝王之宅宜屯重兵於襄陽

蔡仲據襄謀蜀

紹興元年仲據襄陽樊鄧等州久之野無所掠以人為糧襄民賊焉

每自稱襄仲王官終當以死報國以故能服其下至是有衆號二十萬而無食知不可久長驅西上有吞蜀之志先遣橫攻金州金房鎮撫使王彥扼險敗橫橫據房州彥又敗之橫乃還襄陽

范宗尹乞赦桑仲

時右僕射范宗尹念其鄉國禍酷請赦仲罪遂以仲為鄧州鎮撫使仲命橫屯鄧州霍明也鄧雖已受命再圖取金州冬復攻房州王彥大敗之

霍明殺桑仲

二年仲再謀攻金房明不從仲自馳至鄧起軍明殺之橫報讐攻明明走歸行在詔授橫襄陽等州鎮撫使

李橫思立奇功

三年橫思立奇功以自固乃與信陽鎮撫牛皋相約同北襲昌府遇虜戰大捷遂復潁昌及汝州葉縣等處橫傳檄復東京

趙鼎論襄陽

江西帥趙鼎奏襄陽居江淮上流實川陝衿喉之地今聞橫軍起兵東京恐緣此紛擾橫烏合之衆不能禦決失襄陽川陝路絕江湖震動橫未幾果敗穎昌復陷

解潛乞保上流

荆南鎮撫解潛奏橫已回襄陽虜陷鄧州境與本鎮相近望下湖南撥兵同保上流

虜偽陷襄

虜偽復犯襄陽橫食盡棄城遁虜至南至隨郢遠近震恐

朱勝非議委岳飛取襄

四年襄陽重地既為偽將李成所據湖湘之民亦不莫枕朱升謂當先取之上曰今便可議就委岳飛如何時飛駐軍鄂岳趙鼎曰知上流利害無如飛者奏請令韓世忠一萬人臨泗上為疑兵劉光世選精兵出陳蔡度幾兵勢相接上命飛收復命光世發精兵萬人援之飛自鄂趨襄勝非許飛之事建節且命農卿沈昭遠往總軍餉鼎請上親筆詔

監司帥守餉飛軍無闕度幾必濟

岳飛復襄

豫求救於虜之偽俱來我師連戰大破之遂復襄陽及郢隨諸州飛分遣統制王貴張憲連擊賊兵又復鄧州軍聲大振

講防秋事

上謂宰執曰岳飛既復襄陽粘罕必怒況今已六月下旬便可講防秋事虜人南來朕當親統諸軍分頭迎敵若依前遠避為茂海計何以立國

岳飛進屯襄

浚視師命岳飛進屯襄陽以窺中原

時飛在鄂

飛不可

浚奏岳飛一動則襄陽有警復何所制

吳拱成襄

三十一年亮渝盟詔知襄陽吳拱以三千人戍襄陽朝廷聞金人決欲

敗盟乃令淮西諸將各畫界分使自為守計置民社增壁積糧是時御
前都統田師中戍鄂吳璘戍武興姚仲戍興元任彥成戍漢陰李道成江
陵成方屯九江李顯忠戍池陽王權戍建康劉錡戍鎮江壁壘相望而
襄陽獨未有備故命拱戍之

汪澈言增重襄

澈言願益兵上流增重荆襄之勢

陳康伯請分禁旅助襄

五月聚議康伯請分三衙禁旅助襄防兵力

成閔控扼上流

六月朝廷以上流重地邊面闊而兵力分宜主以大將乃詔馬帥成閔
總旅三萬往上流控扼又以汪澈置司鄂諸節制兩路

虜瞰襄

七月亮遣劉諤將二萬壓唐鄧以瞰荆襄

汪澈言襄不可棄

澈自鄂諸至襄撫軍時田師中握兵久且老澈恐緩急不可倚伏奏限
之議者又欲置襄陽而併力守荆南澈奏襄陽重地為荆楚門戶不可
棄也

成閔擣蔡

成閔遣統制趙樽乘虛擣蔡入其城斬虜酋

吳拱襄水之捷

虜將劉諤揚聲欲取荆南又欲分兵自北黃擣武昌朝廷慮之令拱遣
兵護武昌一帶津渡拱將回鄂汪澈聞之馳書止拱而自發鄂之餘果
進戍黃州虜果犯襄陽拱與戰于襄水之上敗之

孔明論跨荆益

後漢建安十三年孔明謂先主曰益州險塞沃野千里天府之土一軍若跨有荆益保其巖阻則伯業可成

孔明論帥益州兵

又云天下有變則以一軍向宛洛一軍向秦川將軍親帥益州之衆以臨關中則孰不箠食以迎將軍

周瑜欲取蜀

十四年瑜見孫權乞與奮威俱進取蜀而并張魯留奮威固守其地與馬超結援

法正說取益州

十六年法正至荊州說先主取益州應統曰益州土沃財富大業可成先主降劉璋

十七年先主攻璋進圍成都城中尚有精兵三萬穀帛支一年吏民咸欲死戰璋遂降

曹操降張魯

二十年操降張魯使夏侯淵張郃屯漢中

法正說先主取漢中

二十二年法正說備曰操一舉而降張魯定漢中不因此執以圖巴蜀而留淵郃屯守身邊北還舉衆往討必可克也備善之乃遣諸將進兵

漢中

漢中益之咽喉

二十三年備屯陽平關與淵郃徐晃相拒遣陳式絕馬鳴閣道晃破之急書降益州兵亮以問楊洪洪曰漢中益之咽喉存亡之機會若無漢中則無蜀矣

光主斬夏侯淵

二十四年淵備相拒逾年備自陽平南渡沔水沔水屬漢中緣山積薪營於定軍山淵爭之備使黃忠乘高鼓樂攻之斬淵

先主得漢中

群書考索卷二十五

別集

山堂先生章俊卿編

建陽知縣區王刊行

邊防門

蜀

全蜀

自古為蜀之要害曰興元曰成州曰文州曰龍州曰金州今日為蜀之要害曰巴州曰劍州曰閬州曰古渝

興元

即漢中郡百南鄭也楊洪謂孔明曰漢中益州咽喉無漢中則無蜀矣

成州

即武都

文州